

զարին) Ա՛ն, (շեշտ նայում է Նազարի աչքերին) ա՛ն, (աւելի մօտենում է) ա՛ն...

ՆԱՉԱՐ.– Ի՞նչ անեմ... (ետ-ետ է քաշում),

ՏԻՐԱՑՈՒ.–

Ա՛ն այս դրօշն աստուածագայր,

Չա՛րկ թշնամեաց բիւր ու հազար:

ՆԱՉԱՐ.– Յա՛... դե հիմի ալարս գալիս է: Դիր Էն պուճա՛խը, վաղը վեր կենամ ջարդեմ աշխարհքը:

ՏԻՐԱՑՈՒ.– (Դրօշակը դնում է անկիւնը) Ահա դնեմ յանկեանն խորանին, եւ կատարի բանն մարգարէին, թէ (երգելով) «Ճառա իմաստուն տիրեսցէ տերանց անմտա՛ւց»: (Հանում է ծոցից մի համայիլ) Ահաւասիկ համայիլ մի: (Վերցնում է գետնից մի-երկու փոշի) Ահաւասիկ փոշին հսկաների: (Փաթաթում է փոշին համայիլի մէջ եւ մեկնում Նազարին) Ա՛ն:

ՆԱՉԱՐ.– Ի՞նչ է, ի՞նչ անեմ,

ՏԻՐԱՑՈՒ.– Դիր համայիլն այդ ի ծոցիդ եւ յաղթիր թշնամեաց: (Նազարն առնում է: Տիրացուն հանկարծ կանգ է առնում եւ տեղնուտեղը տրտինգ տալով՝ խնդմնդում է) Բռնեմ թալեմ, թալեմ բռնեմ (Դուրս է ընկնում:)

ՆԱՉԱՐ.– Տիրացո՛ւ, տիրացո՛ւ, մօ՛տս կաց, մարդու վնաս չտամ: (Ուզում է վեր կենալ եւ նրա հետեւից գնալ, բայց ծուլանամ է) Ի՛հի՛հ՛... (Ականջ է դնում: Վախ զգալով իրան սիրտ է տալիս) Մթնում է հա՛, մթնում է, քե՛զ տեսեմ, Քաջ Նազար: (Հանկարծ վախեցած վազում է խրճիթ) Էս շան կնիկն ի՛նչ եղաւ: Ո՛ւստիան: (Աւելի հեռուից) Ո՛ւստիան... (Կրկին ներս է վազում եւ դուռը խփելով կողպում է: Իսկոյն դուռը ծեծում են:) Ո՛վ է: (Ականջ է դնում:.) Յաջի-Մուրա՞դ: (Լռութիւն:.) Գոմեշ-Պատռա՞ն, դո՞ւ ես:

ՈՒՍՏԻԱՆ.– Յը՞, սատանաները կերա՞ն.:

ՆԱՉԱՐ.– (Խրճիթից դուրս գալով:.) Բերանդ շաղ մի՛ տա: Դու չես իմանում ինչ ժամանակ է: Ինչի՞ ուշացար: Ո՞ւր էիր:

ՈՒՍՏԻԱՆ.– Զե՞զ էի հարցնում,

ՆԱՉԱՐ.– Էդ իսկի իգիթի կնկա պատասխան չէր:

ՈՒՍՏԻԱՆ.– Էնդուր էլ սրտաճաք ներս ընկար, կասես հետեւդ աւազակ էր ընկել: